

# Egluro sylwadau ysgol Solfach



Mae Lyn Jenkins, un o Gynghorwyr Sir Penfro, wedi gwneud y datganiad canlynol ynghylch ei sylwadau yng Nghyfarfod Arbennig dydd Iau cysylltiedig ag Ysgol Solfach:

"O ran fy ymwybyddiaeth o'r cynigion i gau Ysgol Solfach, mae'n ymddangos y bu peth camddealltwriaeth.

"Rwyf yn cydnabod y trafodwyd y mater yn y Cyngor Llawn ar 16<sup>eg</sup> Gorffennaf ac fe gwrrdais â Kate Evan-Hughes, y Cyfarwyddwr dros Blant ac Ysgolion, ar ôl hynny ar 14<sup>eg</sup> Awst i drafod posibilrwydd cau'r ysgol a'r trefniadau cyfredol o ran llywodraethu addysg yn Solfach.

"Dilynodd y Cyfarwyddwr hynny gydag e-bost ar 17<sup>eg</sup> Awst ynymateb i'r pryderon a fynegwyd gennyf.

"Fodd bynnag, roedd camddealltwriaeth ynghylch ai'r cynnig oedd y byddai addysg yn parhau ar safle Ysgol Solfach fel rhan o gynnis ysgol 3-16, neu a fyddai'n peidio'n gyfan gwbl yn y cylch. Dyma'r mater yr oeddwn yn ceisio'i godi yn y Cyngor.

"Erbyn meddwl rwy'n sylweddoli y gallai fy natganiadau fod yn gamarweiniol.

"Rwyf nawr wedi trefnu cyfarfod pellach gyda'r Cyfarwyddwr i drafod goblygiadau'r cynnig i Solfach a sut fydd y cyfnod ymgynghori statudol yn caniatáu i gymuned Solfach fynegi barn.

"Mae'r Cyfarwyddwr hefyd wedi fy sicrhau y bydd yn cyfarfod y pennaeth a'r corff llywodraethol ar y cyfle cyntaf."

Meddai Kate Evan-Hughes: "Roeddwn yn falch o gyfarfod y Cynghorydd Jenkins heddiw (dydd Gwener, 11<sup>eg</sup> Medi) ac eglurhau beth oedd yn amlwg yn gamddealltwriaeth ynghylch terminoleg 'cau Ysgol Solfach'.

Aeth y Cyfarwyddwr yn ei blaen: "Mae'n bwysig cofio mai dyma ddechrau'r ymgynghori ac y bydd barn rhieni, disgyblion a staff yn yr holl gymunedau dan sylw'n ysbrydoli'r argymhelliad i'r Cyngor ar ddiwedd y cyfnod ymgynghori statudol."